

Informason Inpurtanti pa Kenha ki sta Djobe Vasina Kontra Gripi Suínu (H1N1)

Kenha ki pode toma kel vasina nes mumentu?

Komu nos stoki di vasina kontra Gripi Suínu (H1N1) pa 2009 é limitadu, **so kes sigintis grupus di algen ki ta pode toma kel vasina nes mumentu.** Sima governu federal ta bá ta disponibiliza más vasinas, nu ta spera ma tudu algen ta pode toma kel vasina na futuru. Obrigadu pa bu pasénsia.

1. Grávidas

PAMODI? Pamodi grávidas ta kore más risku di konplikason ku gripi. CDC (Sentru pa Kontrolu di Duensas) riporta risentimenti ma entri Abril y Nuvenbru di 2009, txeu grávidas foi internadu ku gripi suínu y 28 di kes grávidas more. Tanbé, ora ki grávidas toma vasina, é pusível pruteje kes bebe ki ka pode ser vasinadu.

2. Pisoas ki ta kuida di kriansas ku menus di 6 mes di idadi

PAMODI? Pamodi kriansas más pikinoti ta kore más txeu risku di sufri konplikason rilasionadu ku gripi y es ka pode ser vasinadu pur kauza di ses idadi. Vasinason di kes pisoas ki ta kuida di kriansas ku menus di 6 mes di idadi pode pruteje kes kriansas di kel vírus.

3. Pisual di sirvisus di saúdi y imerjénsia médiku

PAMODI? Pamodi ora ki funcionárius di sirvisus di saúdi y imerjénsia tene gripi, ten pusibilidadi di ses pasienti pega kel duensa tanbe. Vasinason di es grupu di pisoas tanbe pode djuda nos sistema di saúdi pamodi, si kes funcionárius sta saudável, es ka ta falta trabadju y ta ten senpri algen pa kuida di otus duenti.

4. Kriansas y jovens di 6 mes a 24 anu di idadi

PAMODI? Pamodi maioria di kazu di gripi suínu na 2009 atxadu na algen dentu di es grupu (6 mes a 24 anu di idadi). Milharis di jovens dja foi internadu y, desdi prinsípiu di Nuvenbru di 2009, más di 100 dja more di kel gripi. Es li é mutu diferenti di kel gripi ki normalmenti adultus más bedju ta panha tudu anu na tenpu di friu (invernu).

5. Adultus di 25 a 64 anu di idadi ki ten problemas di saúdi ki ta faze-s kore risku di sufri konplikason rilasionadu ku gripi

PAMODI? Pamodi pisoas ku problemas di saúdi gravi, sima asma, diabeti, duensa di kurason, duensa di fígadu, duensa di rin y problemas neurolójiku (sistema nervozu), ta kore txeu risku di fika inda mutu más duenti si es panha gripi. Vasinason ta djuda pruteje es grupu ki é vulnerável.

Pa informason más risenti sobri gripi na Boston, pur favor vizita nos *website* www.bphc.org/flu, o liga pa Linha di Saúdi di Prizidenti di Kámara (617) 534-5050

Prósimus Vasinason kontra Gripi Suínu (H1N1):

Pa oráriu más risenti di vasinason públiku kontra gripi na Boston, pur favor vizita nos *website* www.bphc.org/flu, o liga pa Linha di Saúdi di Prizidenti di Kámara (617) 534-5050